

O'zbekiston Prezidenti XXR hududlari bilan amaliy hamkorlikni kengaytirish muhimligini ta'kidladi



O'zbekiston Respublikasi Prezidenti Shavkat Mirziyoyev 29-mart kuni Xitoy Kommunistik partiyasi Markaziy qo'mitasi Siyosiy byurosi a'zosi, Shinjon-Uyg'ur avtonom rayoni Partqo'mi kotibi Ma Sinjuy boshchiligidagi XXR delegatsiyasi bilan o'tkazgan uchrashuvda O'zbekiston hududlari va SHUAR o'rtasidagi o'zaro manfaatli amaliy hamkorlikni yo'lga qo'yish masalalari ko'rib chiqildi.

O'zbekiston hududlarida Xitoyning yetakchi kompaniyalari ishtirokida qayta tiklanuvchi energetika, transport infratuzilmasini rivojlantirish, sanoat parklari va qishloq xo'jaligi klasterlarini tashkil etish sohalarida qo'shma loyihalarni amalga oshirish masalalari e'tibor markazida bo'ldi.

Uchrashuv avvalida Ma Sinjuy XXR Raisi Si Szipinning salomi va eng ezgu tilaklarini hamda Xitoy rahbari lavozimiga qayta saylangani munosabati bilan yo'llangan samimiy tabriklar uchun minnatdorlik bildirdi.

Uchrashuvda o'tgan yil sentyabr oyida Samarqand shahrida o'tgan va O'zbekiston-Xitoy har tomonlama strategik sheriklik munosabatlarida yangi davrni boshlab bergan tarixiy sammitning sermahsul natijalari katta mamnuniyat bilan qayd etildi.

"O'zbekiston - Qirg'iziston - Xitoy" temir yo'lini qurish loyahasini jadallashtirishda ikki tomon ham manfaatdor ekani ta'kidlandi.

Toshkent, Samarqand va boshqa viloyatlarimizning Shinjon-Uyg'ur avtonom rayoni bilan, shu jumladan savdo, logistika, tibbiyot, qishloq xo'jaligi, turizm va ta'lim sohalarida ko'p qirrali hamkorlikni kengaytirish uchun keng imkoniyatlar mavjudligi aytili.

Davlatimiz rahbari o'zaro muloqot va almashinuvni faollashtirish, tashrif va biznes forumlarini tashkil etish, ustuvor loyiha va dasturlarni ilgari surish bo'yicha alohida "yo'l xaritasi"ni qabul qilish yuzasidan topshiriqlar berdi.



Manba